

Htawm tem' Yo'han ok' leuoe

HTAWM TEM' YO'HAN OK' LEUOE'

¹ Htawm ti ok' aen' na ko' meuh ui' ro'kan nang kawt,

ui' tem' ri tuil' a ri Gaias' a'mawo leumeus' ui' na' mi. Leumeus' ui' mi hk'a'naee vang leupaws seumeu' na'.

² A'mawo leumeus' ui' na' mi, seun' civit mi na' buih chak' ka heul' na' ui' hk'o' mun' pun kaw mi ut' nyawk' ut' sam' ran maee' hk'a'naee ku' ceu mi na' kaw a meulamlam ri. ³ Yam ec'awng' na' ing' hkam' ce sa'hki' lawng kati keutawn' mi ri ku' leupaws seumeu' na' maee' suip mi ri a'yu im' hk'a'naee ka na', ui' ren'kawn nyawk'. ⁴ Pun ui' ri mhawng' kon'hk'i ui' na' suip ce ri a'yu im' hk'a'naee ku' leupaws seumeu' na', ku' yeuh ui' ren'kawn lheu' awn' a na' a hkuin' laee kue' keunhaw' saec' ti ceu.

⁵ A'mawo leumeus' ui' na' mi, mi saec' na' un' yawng ec'awng' awn' ce daecti mi kati keutawn' ri ku' yeuh mi ri ce na'. ⁶ Peue awn' ce hkam' sa'hki' lawng hk'a' leumeus'keus mi na' nanggal' ce muk kon' Hkrit na' hawc'. Mi lawn teum'kawm ce cang suip ri yeuh hot' ku' kuing'hpaaw maee' munhpung' Eun Peucawo' na' heul' hk'a' nanggal' ko', chak' ka. ⁷ Ce

saec' na' un' pun ku' teum' kawm ce peue un'
meuh muk kon' Hkrit na' ko', daecti ce pucti
heul' pun Hkrit Eun. ⁸ Kop awn' na, punta kaw
e' cang yeuh kan' pun ku' leupaws seumeu' na'
tiduih' na', e' na' htuk' ri rap ri ti teum' kawm
peue yeuh keutit' na' ce.

⁹ Tem' ui' ri bu' htawm ri muk kon' Hkrit
na' pe', daecti Diotrefes' ku' sum' meuh peue
keuting na' eun un' sum' rap ri ti leukah' e'
na'. ¹⁰ Kop awn' na, ui' lawn ing' ri pe' ko', ui'
na' lah' pe' mhawng' ku' yeuh eun na'. Eun
peusah' nyoe e'. A hkuin' nang hk'o', eun un'
rap ri ti ec' awng' na' ce. Lheu' awn' na, peue
sum' rap ri ti na' ce eun ham' ce. Hawc' ko',
eun ra ce hk'uih hk'ai' muk kon' Hkrit na'.

¹¹ A'mawo leumeus' ui' na' mi, pawlaee hot'
ri yeuh ku' rai na', daecti hot' ri yeuh ku'
chak' na' reu'. Peue yeuh ku' chak' na' ing'
eun neum Peucawo' Eun. Peue yeuh ku' rai
na' eun un' duing nyu Peucawo' Eun. ¹² Peue
gawm'euc' na' suk'seun' ce Demetri'as' eun.
Ku' leupaws seumeu' na' a ku hkam' sa'hki'
eun yeut. Saec' meuh ui' ri ui' ku suk'seun'
eun. Mi ku yawng sa'hki' ui' na' meuh a
neumneum.

Leukah' tisut'

¹³ Ui' saec' na' kawn' kue' ku' sum' tem' ri
bu' ri mi heun' ceu, daecti ui' un' sum' tem'
a ri pit' maee' lamuik'. ¹⁴ Un' ling' ko', ui'
keutui' hpum' ri kaw heul' hk'eup' mi, u mi.

¹⁵ Kah hk'a' kuit nyawk' kuit sam'ran
cumyen' na' kue' ri mi reu'. A'mawo ut'

maen' na' ce ku tawm' a ce lah' ri leunyeng ri
mi. Lah' a' mawo ut' maee' mi na' ce mhawng'
leunyeng ui' ri ce ku peue ri yeut.

Plang
The New Testament in the Blang language of
Myanmar

copyright © 2021 Wycliffe Bible Translators, Inc.

Language: Plang (Blang)

Contributor: Wycliffe Bible Translators, Inc.

All rights reserved.

2021-04-06

PDF generated using Haiola and XeLaTeX on 21 Feb 2024 from source
files dated 29 Jan 2022

0468b0b5-acb2-59c4-92d3-4fa09a4d091c